

wo(n)den deden. In gods namen, amen. [M]aria die moet hu bewaren.

Ghi sult hu moeten wachten : van loeke, van pepre, van enyunen, van boenen, van erwten, van alle haringge(n), van coeyenen case, van rugghinnen broede, van perden, van coeyen, van zwijnen, en(de) van der smessen, van der muelne, van den hovene, en(de) van branden van kersen, van nieuwe(n) scoe(n), En(de) van alrande heeten smoutte te etene ende te gheriekene .ix. daghe lanc Voert so suldi moghen heten : taerwin broet dat binnen den daghe niet ghebacken en es, wederin vleesch ghesprijngt, En(de) hoendren ghesoden, maer niet ghedragen, applen, roeu ofte int vier ghebraden, Ende alrande wijn so moeg- // di drincken, En(de) borne, en(de) bierkin up taerwijn gruus ghebrauwen van drie(n) daghen hout of daer boven, stelle cannebier, dat vernacht es, in een canne, dat so moghedr drincken. Aldus so moeti hu houden en(de) wachten. .ix. daghe lanc, Ende den eersten dach dat men den festel slaet, weet, dat sanders daghes daer van deerste dach es.

(Gent, Univ. Bibl., Hs. Serrure nr. 14,
fol. 109r - 115r, 2. Viertel d. 15. Jhs.)

*Unsere Abchnitte daraus, gebracht in Mon. Bericht
des niederländischen Volksliteratur (1838), 335*